
Сектор раҳбарлари аҳоли муурожаатларини ўрганди

Бугун туман секторлар раҳбарлари аҳолининг турли қатламлари билан тўғридан-тўғри мулоқот қилиш, мавжуд муаммоларни аниқлаш, уларни бевосита жойида бартараф этиш мақсадида Ўзбекистон Президентининг тумандаги Халқ қабулхонасида навбатдаги қабулини ўтказди. Учқўприк тумани ҳокими Қодиржон Эркабоев, ҳоким ўринбосарлари, туман кенгаши депутатлари, ташкилот ва муассасалар масъуллари ҳамда Халқ қабулхонаси мудир иштирок этган қабул давомида фуқароларнинг коммунал соҳа, банк кредити, уй-жой, деҳқончилик ва тадбиркорлик учун ер ажратиш, ичимлик суви таъминотини яхшилаш, ишга жойлашиш, тиббий хизмат ва бошқа масалалар билан боғлиқ муурожаатлари ўрганиб чиқилди.

Қабул давомида 43 нафар фуқаро томонидан турли масалаларда билдирилган муурожаатлар тингланиб, уларга ижобий ечим топиш бўйича зарур чоралар белгиланди.

Фуқаролар муурожаатларининг баъзиларига шу кун ижобий ечим топилган бўлса, ижроси юзасидан қўшимча ўрганиш ва муддат талаб этадиган масалалар тегишли идораларга йўналтирилиб, назоратга олинди.

2024-12-12 13:55:05